

四庫全書

集部

欽定四庫全書

集部

篁墩文集卷

六十九
七十

詳校官編修臣李堯棟

中書臣劉源溥覆勘

總校官進士臣朱鈐

校對官監生臣張魯炳

謄錄監生臣黃憲度

欽定四庫全書

望墩文集卷六十九

明程敏政撰

詩

集李絕句

舟中無書偶得李盱江詩集一帙因日閱之遂熟其句所至輒集為一二絕久之得十有八篇因錄於行卷之末

登京口望江樓

故國園林草自芳
望中情地轉淒涼
行人莫苦登高閣
高處何曾見故鄉

途中遇鄭時暉御史赴謫還家養疾二首

湛恩惟待立鷄竿
豈是明時學考槃
身計未諧歸計好
一宵清話到更闌

塵寰漸遠漸淒清
地近鄉關喜氣生
只恐詔書非久下
歸來依舊馬蹄聲

自況二首

千里幽懷一凭闌君恩寧許更盤桓
朝中未有輸忠處肯便臨溪把釣竿

鉛慙辛勤十四年幸逢聖主得稱賢
禿毫強會悠悠事敏政當居俗吏前

車瓜州壩

泥途漸過車聲滑才得扶舁渡淺河
從此異鄉誰是侶月明孤影落澄波

飲揚州嵩山寺二首

醉鄉

關五字

淪落多愁笑不成
苦恨俗緣無了處

江村古寺偶閒行

閒愁不覺過年光
只有醒時覺異鄉
不醉多愁醉多病
一篇齊物是醫方

淮上對月

勞生誰在定中看
境勝才知宇宙寬
一月解行天一匝
素娥心事問應難

登泗水亭

青山行盡入紅塵古木亭邊夜向晨書未隔年難得報
我來登望倍凝神

歎濟寧分水鋪

二江斜入似娥眉華郭春光欲暮時京洛路長何日到
幾人相見不相知

臨清遇雨

一尊撩眼怕長迷月欲東生日又西已恨碧山相阻隔
不期風雨更淒淒

過柳青村

不知園圃是誰家，開盡無名草木花。
今日倚闌添懊惱，人言落日是天涯。

有懷亡弟五首

家園歸省浙江東，壁碎珠沉幾日中。
塵裏笙歌千古夢，悠悠無處問蒼穹。

淚滴金杯不自知，天孫何約是來時。
騎鯨別後無尋處，一步寒郊一慘眉。

月意惛惛露氣微池亭何處見清暉只應夢裏成胡蝶
擬共楊花苦鬪飛

風月猶應似舊清困來終是睡難成相思無計能相見
腸斷城頭畫角聲

下有嬌兒上有親闌邊為汝最傷神流年漸共春華老
聞說清明在此辰

送康用和南歸詩

吾友祁門康君用和為御史以言事謫知縣於閩

凡數年屢以疾告率為上司所沮而君通五經尤深於易精筮法時上方事於稽古之學廉君名驛召之不至不數月進欽天監正寵任向隆而君復以疾告願歸田章至再三蓋吏部遲疑者久之君遂移牒罷常祿弗自給吏部知君有決志乃言於上許之命下之日方卧公廨中倨然起向闕謝恩又明日四鼓徒步出崇文門留一僮僕買家具為道里費予往候君逆旅中君迎笑曰某實無似辱

主知而幸得歸奉七十之父以居兒子之長者足以任幹蠱之勞少者亦可以勝耕矣樂哉其歸復何言憶家君尚書先生與君父太守公老友也而予又少得與君相游以兄事君世講之好豈一日哉方幸受君之麗澤以相成而君不可留矣家山在望悵然懷思輒賦古詩四十四韻送君之行而并致區區之意云

矯矯丹山雛孤飛直千仞昂昂汗血駒天閑謝羈勒君

子賦歸歟使我失朋親憶昔與君友我髮始髻齡君氣
不可當感激慕英蘭虎闌馳夙聲烏臺發新勅威行畿
甸間事至若迎刃朝綱固已肅頽風亦云振諱言條中
起萬里竟遭擯終為一寸鐵蹇蹇磨不磷驅馳閩海隅
再領縣廳印低首奉期會坐遣民俗順需澤豈不施展
轉四更閨翩然徵詔下驛騎走方鎮謂君先天學往往
決悔各行當幾日程喜入九重覲衣冠太史氏相顧得
豪雋竭從拜命來驚君雪垂鬢在告越踰年日日理衰

疾居然停祿食有待竭忠蓋士節難自保我疾可無慎
封章乞解組伏闕再三進云臣本孤陋頗欲激芳潤少
小讀韋編漫識離與震掛笏有成法筮者殆充牣犬馬
心弗勝此選亦太遴倘許遂臣私實免負堯舜言詞既
懇切重瞳乃回瞬蕭蕭官解中四鼓對餘燼黎明出都
門徒步一何迟平生幾交游逆旅漫相訊君言幸此歸
餘生絕嫌釁松菊莽猶存庭戶掃還汎兒子已勝耕豈
復念寒饑水次分魚租山中樂田畯稽首荷天王恩波

一朝浚君才誠卓犖君志更孤峻永奉大夫權不愧世家
脣嗟彼名利場人或以身徇富貴將何為幻若野中
燐是非千載後孰是駕與駿郊亭九月餘霜氣入鴻陣
渺渺征車行落葉載途襯送君無限情長歌以相贈

次南京尚寶泰和楊公述職詩韻

憂國長思策治安邇來微覺鬢毛殘牙緋當殿初書最
清白傳家久耐寒正論幾聞傾四望高眠猶說計三餐
老成終近君王側雙珮追隨應八鑾

不隨桃李競春榮
宦轍惟君守一誠
典瑞職當金闕近
奉常卿比玉壺
清寵光向晚頻煩
下詩思清秋一倍
生擬有頌聲歌聖
德懷鄉寧似庾蘭
成

郭隗臺邊秋日明
張家灣裏暮潮平
離筵句好開新社
分寺官閒說舊京
白鴈叫霜先客度
黃花經雨待誰榮
憐予最有江南憶
把袂因君百念生

十月一日進歷青宮叨預執事呈同事羅洗

馬

文華門啓日臨墀鳳歷初陳鶴駕移衛士分行旗影雜
官僚雙引珮聲遲萬年正朔遵先紀一代規模陋漢儀
海嶽又開新泰運愧無鴻筆頌重熙

寄王而勉太守

比聞家君體中不佳近已平復而縣中又有回祿
之變輒賦一律奉寄

親舍分明紫翠間夢魂無夜不南還羈鴻遠隔三千里
驚馬空陪十二閑鄉思更深雲夢澤古詩誰繼陸渾山

家書擬說賢明府問俗時來一扣關

送張郎中彥質省親還蜀

離筵新酒白波渾一櫂西還荷主恩
宦轍屢經揚子渡家園長切武侯屯
塵生客袂身方健喜入親顏齒更尊
小弟心情亦如此敢忘天語若春溫

送陸順之赴南京戶部主事

廉伯論
德之父

征轡紛紛冒柳枝喜君今日拜恩辭
短亭殘暑仍揮策久客多情屢薦卮
輦下文章推甲第江南財賦屬留司

兩京子部皆珍選好在諸賢答盛時

不須揮手聽離歌此到南都僅月過
叢桂再開新府次
棣棠應發舊廳阿家常問訊通郵近
公暇儲書積俸多
小阮相逢煩致語東朝虛席候鳴珂

圯上仙蹤送吏部黃侍郎弟叔衡南歸

下邳城東沂水流水中圯橋春復秋
何物老翁有奇術
乃此折辱張留侯往事悠悠已千載
履跡寧隨浪紋改
莫推授受不可當太息無人繼
風采侯官才人黃叔衡

家居不出多史評文章伯氏今少宰遠省到京無限情
鴈聲催人難久住風雨蕭蕭復南去水邊大石堪艤舟
予固應知賦長句

胡忠安公輓章

品秩登三事忠勛歷五朝衣冠存典禮風俗被薰陶澤
國鷗盟解釣天鶴夢遙獨留全德在天不想風標
憶昔垂髫日握衣拜省庭松筠知壽考金玉見儀刑命
筆看題字扶筇問治經百年回首處無地候台星

半隱為濮用明教諭賦

手提文印歷三城處處巖栖少送迎
拄笏看雲惟自適濯纓臨水共誰盟
未容全享山林福且得兼收吏隱名
芸閣夢回還獨笑六街塵擁馬蹄聲

送唐御醫致仕還嘉興

早歲從徵住藥坊老來納祿返江鄉
閩湖戰處君還記多少征人請異方

堂扁如心到處聞鐵厓詞賦始豐文
還家開卷遥相憶

廣巷高樓隔暮雲

日日門前客似麻
活人心苦鬢先華
此回秀水城中路
醫道誰當第一家

分得劒井送濮用昭兵部公差便道還毘陵

毘陵東城隅劒井千尺深
當年葛仙翁駐鶴曾幽尋
有時靈秀啓白虹出其陰
魁材與碩輔秉毓人爭歆
濮君兵曹彥家住此水潯
奉檄向江南薰風惜離襟
安舟載老母甚遂平生心
頗聞井中氣耿耿發自今
願保忠孝

期為子歌好音

寄王而勉太守

昔在山城暫得親一襟瀟灑浩如春
通家誼欲兼師友雅會情忘論
主賓南望不堪雲礙眼北來惟有月隨身
等閒却愛聽公議藩省今思起舊人

寄孫揮使千戶侯

轅門開近歛山阿日日投壺事雅歌
養士漸能諳禮樂逢時全不用干戈
夢長繞闕心何壯住久隨鄉語半訛

猶記前時相別處一叢車騎繞臨河

題小景寄汪廷器

拍岸紋溪水不渾一間亭子傍松根披圖恍在芝山下
倚櫂來尋斷石村

榮壽堂為會昌太傅公子錦衣瓚賦

醴泉鄉中鳳山秀孕我景陵縣太母慶源衮衮生公侯
忠孝承家數元舅元舅年過八十餘髮如皎雪顏如朱
邇來謝兵奉朝請出入特許乘安車手詔時來詔耆德

賜府潭潭帝城北錦衣公子開新堂日領孫曾候顏色
優游已似地行仙眼看喬木上參天講幃史局從公舊
願保勲名到百年

邢侍郎居敬輓章

端午扈從遊
後湖渴死

楚節隨恩侍紫清
擢歌聲裏獨魂驚
空餘易學傳三輔
無復官名署兩京
清白已堪書太史
經綸應未了平生
相如老去人爭羨
分賜無緣及露莖

寄于老千戶

老去將軍最好文，出羣名字久相聞。
幾人識面窺春色，十載思歸隔暮雲。
延客酒方應自製，遊山詩韻好誰分。
採瓜擬得瓊瑤報，何日雙魚寄水濱。

分得潔蔬供饌為黃巖謝良溫孝子賦

采采園蔬翠堪把，糞不污莖水清灑。
晨炊又過午炊來，長跪奉盤供膝下。
於乎奉親易說親，難愛兒不脫儒生。
酸齏藿到口皆成歡。

題蔡揮使所藏林良雙鵲

老木長梢半空起影落君家素屏裏枝間雙鵲不飛去
似向高堂報君喜涼風曉入庭戶清主人坐對宛有情
眼前豈獨惜珍羽耳畔忽疑聞好聲亦有娟娟白頭鳥
相顧裴裒若相保廣東畫史深可人生態無窮意難了
主人堂堂真壯夫喜受文士相追呼征蠻不帶嶺南物
衣衾之外惟此圖堂下有兒堂上母客至矜圖飲醇酒
呀然一笑共平生崔白邊鸞竟何有鵲兮鵲兮不可求
願君身比張梁州不須椎石取金印看爾生封忠孝侯

送汝行敏舍人赴南京武選員外

與君相好十三年
史局曾同翰墨筵
好別不堪攜手處
西風黃葉滿前川

虎圖為艾光祿天錫賦

於菟何由此中伏
白日寒雲靜山麓
草間百獸未全藏
困睡應知不成熟
玄尾空圓七尺長
金眸半閃雙星煜
有時獨步出林莽
一聲長嘯千山肅
只圖當道犬羊空
豈為平生食無肉
良工寫此有深意
頗似高人卧空谷

投身擬結歲寒盟上有長松下脩竹雖云不動爪牙威
已覺風聲撼庭木兒童見之駭欲走不敢黃昏傍牆屋
丹青逼真乃如此恐是當時溪上牧幾思把玩發豪吟
忘却摩鬚手還縮都城廣厦接棟宇入眼定知無此幅
千金可得書畫傳好事誰如漢光祿

慶孫錦衣瓚

世將家聲藹帝都老成還拜執金吾由來寵數逢千載
久有才名敵萬夫仙仗扈行朝佩劔宮城宿衛夜分符

他時看取勲猷盛會續麒麟閣上圖

分得先字壽致仕謝太守

鳴治叔父

不待塵中雪滿巔急流親見賦歸田黃堂屢換二千石
白社初週六十年心靜自堪娛晚節眼明猶足了殘編
池魚庭草平生樂底問仙人葛孝先

送義門鎮巡檢李廷用

文達公從子

西風殘暑餞離筵擊節長歌寶劍篇辛苦携家南向亳
恩榮隨例北辭燕垂楊驛路三千里喬木人家五百年

想過故鄉先駐馬古穰秋熟酒如泉

題陸諭德鼎儀海榴書屋圖

海榴隨處傍人紅只有谿山趣不同看畫却疑家在眼
出門隨步任西東

此心蒼翠繞蓬萊勸講時陪鶴駕來退食自公無一事
赤心長對海榴開

威鳳南飛曲

有虞聖人開明堂委政師保垂衣裳功成治定天降祥

一日三鳳鳴朝陽羽毛五色雲錦張兩鳳翥羽北闕旁
一鳳鼓翼天南翔鳳臺巍巍臨大江烏臺對聳千尺強
翠竹有實蒼梧芳十圍古柏相倚飛寒霜鳳兮戾止居
中央坐令喧啾百鳥收其吭觀者四方如堵牆聖澤滂
王道昌千年一運遭明良他時凌風會返阿閣上和鳴
協治不可當願操彤管與爾賦樂章再拜稽首獻我皇
九成雅奏重鏘鏘三鳳之名傳四方

威縣王公克深之赴南臺也實與南海戴公子容四

明屠公朝宗並命一日拜三都憲朝野相慶以為得人僕於三公為同年末契故取況於鳳以為克深行李之贈焉

送友人方文旭南歸

貢士佐之叔

煙花難盡勝遊情又逐車聲出鳳城
豐歲任看投旅宿聖朝元不重商征
大方家世當年盛小阮功名指日成
身到故園秋正好環山蒼翠落簷楹

簪字韻和楊維新謁陵之作

學館蕭蕭暫盍簪
西風雲散不成陰
興闌且逐尋芳步
才拙難陪倚樹吟
宦業每傳三試錄
家聲曾畏四知金
謁陵初度聞高論
不覺山城漏已深

輓通政沈知事父靜軒母陳氏

有子通朝藉遺芳
祖汴州靜便時看
權機息自盟鷗行
不慚張仲文誰繼
隱侯懷賢人共指
石屋嶺東丘
沈郎賢令母原自
許溪來閩世仁人
壽持家烈婦才香
雲飛不返慈竹死
難栽壺德流芳處
篇詩屢寄哀

六月二十二日大暑坐牆西槐樹下有作

門外炎光熾牆西一徑開殘陽餘古瓦涼吹發高槐鳥
與人俱樂詩隨景自來無因堪破寂童子進水梅

送劉尚質舍人乃兄還巴陵

萬里家園菊未莎一舟隨雨下官河歸時夢入東川近
老去情於北阮多狎鷺有盟秋未冷賓鴻成陣夜初過
已人倡和真能事贈別慚無郢上歌

黃浦壽沈尚寶廷美母夫人

黃浦之水綠沄沄疏鑿元自春申君浦口誰家起華屋
門中雪檜垂蒼雲符臺之母烏溪女倚檜時時聽白亭
抱孫飲水七十年六月高堂不知暑上流可釀崑崙漿
下流可浣芙蓉裳臨風再拜祝母壽願似東流浦水長
次山東提學畢廷珍僉憲見寄韻

承遞郵筒到集仙宛然高興繞吟邊彩毫香動烏臺柏
秀句清分玉井蓮東魯化行新士館曲江人減舊賓筵
尋常離合寧須計共惜平生報主年

昌平寓館再用簪字韻

矗矗遙峰插翠簪，策將羸馬過城陰。
青蒿白飯逢新主，彩筆花牋續舊吟。
風細磬聲清漱玉，日斜林影淡搖金。
空庭竚立生山思，一徑無人草自深。

送劉振之還常熟

文章思董賈，才術陋儀秦。
利器終逢主，高談已動人。
詩成鄉國夢，衣帶帝京塵。
得意重來日，容君卜近隣。

題謝翰長大韶先生雲山障子

拔地蒼山幾千丈九疊芙蓉照林莽羣峰夾峙青冥中
萬里雲開露仙掌山回徑轉得佳處築室何人據高壤
古瓦參差接棟流虛窓迢遞臨風敞別圃長栽巨勝花
閒門任結蠭蛸網桃源渡口短橋通一派谿光斷塵鞅
黃鳥交啼苑樹濃白鷺低飛田水長幽栖彷彿晉朝人
東髮烏巾被輕氅世途萬變了不知俯檻圍碁事閒儻
相持猶似未忘機苦向盤中較銖兩林間暑氣不勝薄
羽簷何由更添爽童子手供朝暮餐和露烹葵足齋享

檻外芳塘五里寬一圍種作蓮花蕩興來每欲隨所之
預有家人櫂蘭漿書冊薰鑪共一船水氣細縕護青幌
遠村鷄犬互鳴吠落日漁樵自來往巖阿疑是古赤城
高旆招搖出天上樹頭隱約梵王宮幾杵疎鐘送微響
仙境寧論小大茅人家不異東西瀼生綃咫尺意難窮
愈覺周郎畫堪賞學士先生太傅孫方寸之田似山廣
少年奮起大江西落墨題名省金榜經幃史局最蒙恩
不獨詞章在忠謹鼎鉉終期此日調星鳳方增後人仰

東山別墅有高情未許披圖動遐想

僕家徽之篁墩有晉循吏陳忠臣之祠第在馬
土人嘗更名黃以避巢賊之荼毒襲稱至今
僕近復篁墩之號而翰長鏡川先生作十絕
非之僕亦未敢以為是也謹次韻隨章奉答
幸終教之

敢因一字浪堆黃自分嚴於斧鉞霜只有地靈知此意
年年風雨茁新篁

廟中人物氣如生正字分明欲正名污鱗但知當自洗
高談元不計誰精

賊巢能識識中文亥承寧無辨幾分珍重墩頭賢父老
果然談笑却秦軍

璞也全身朴受誅憐宗終復勝憐儒仙芝正作諸戎首
何恠蘄黃血滿衢

難將疑似幸全宗畢竟蘄黃字不同點盜關心生殺處
豈應無語過湘叢

王謝墩名一任誰故園黃竹我須知金盤華屋楊家果
此說方應是可疑

勝地蒙汙自不該豈嫌興隸愛公台片言祇欲求今是
何姓非從古聖來

軒皇何處有丹池萬仞黃山踞歛黥墩與此山元異脉
有靈應笑客何為

篁竹無言閱歲華倚墩寧欲逞豪夸如言實重名非重
應笑人間復姓家

媿是忠良一派孫
筆鋒常欲討無君
不忘祖武思繩處
第一當從此地論

題畫冊四時小景

泚泚礧中泉依依道傍柳
塔院午鐘聲隨風出山口
爰此玉泉水携琴訪翠微
入城山下路一任旱塵飛
草閣最宜秋况對丹楓渚
脩脩麋鹿群誰賓復誰主
一夜溪山雪乾坤似玉壺
捲簾孤坐處佳境入詩無

謁陵憇土城瑞光寺候李符臺同行

日下土城根夷猶古寺門水聲牆外急人影樹中繁燕
薊諸闕擁金元一望存可人期不至馬上共誰論

道中

年年來作朝陵使處處曾留紀勝題傍水人家隨遠近
入山神路隔東西日高午店炊應熟雲散秋城望不迷
遙想同袍新寓宿廟門高樹馬群嘶

下陵與李學士賓之聯句

夜下西陵月露涼

李

歸心偏逐馬蹄忙迂途忽轉行宮

右

程

佳氣猶瞻寢殿旁老樹幾枝低拂帽

李

秋嵐一抹

遠侵裳昌平未到東方白

程

咫尺蓬山萬里長

李

贈李士敬錦衣借其夢中舊韻

相門才子好談兵寶匣長聞一劍鳴
露布已宣平寇策凱歌頻奏入關行
古穰世遠流新澤仙李春深發舊萌
珍重百年文獻在好將忠孝答恩榮

李符臺宅暑夜

廣庭堪避暑槐幕正當軒涼吹梢頭發
踈星葉罇翻忽

驚羈思杳轉覺市聲煩此夕行窻夢遙應入故園

王封君哀輓

亞卿廷貴
先生之父

聞說方瞳似水清正宜高卧享松齡金莖忽盡仙人露
玉宇空瞻處士星李白跨鯨遊未返莊周成蝶夢難醒
煙霞痼疾誰堪療月旦遺風尚可聽壓座詞章輕白雪
及門聲價起青萍教條嚴勝師儒館鄉約公於守令廳
塵裏冠纓長謝手山間丘壑自忘形延交屢結新詩壘
睦族重開舊譜亭作賦不慚心似鐵守歲能戒口如瓶

階盈蘭玉人夸謝城隔芙蓉主換丁悲入夜闌魚釣冷
坐看春盡鹿車停歌郎淚下風中燭吊客魂銷雨後鈴
滾滾年光嗟化鶴飄飄身事等流螢丰姿彷彿惟餘畫
手澤分明却在庭百歲難酌鴻鵠志九霄先振鳳凰翎
朝行漸已登三事家訓由來本一經牲鼎幾回供祖廟
絲綸重疊下王廷社中擬入先生祀冢上還勞太史銘
楓樹落霜天冉冉蘋花搖日水泠泠懷賢定有觀風使
下馬時來問典刑

送象山凌尹汝聘

象山山下舊名疆，羨子承恩握縣章。
到日擁舟潮水白，行邊吹馬旱塵黃。
可堪奉檄人千里，正見憂民詔十行。
老學平生須大展，青雲高躅看騰驤。

題四美人圖

琴

綠綺初調曲未殘，幽情應嘆賞音難。
不嫌兒女聲相昵，一鶴長鳴繞畫闌。

棋

王子頻拈欲下遲
芭蕉紅日影將移
錦綳兒共金絲犬
問道輸贏兩不知

書

倦來携手下階行
共讀周南幾句成
庭桂香中無一事
閒聽公子擊毬聲

畫

促織場邊爽氣新
彩毫輕染墨華勻
香閨不爰千紅紫

只寫青松與翠筠

次韻寄松江張隱君

侍御汝欽之父

丈人零落曉星餘，張老猶堪載後車。
燭目錦雲盤一誥，隨身明月動雙裾。
君門擬上承恩頌，官舍時翻訓子書。
暫出還歸應有道，不勞猿鶴怨郊居。

都城相別幾年餘，何日追隨長者車。
舊語有緣陪玉屑，新詩無力報瓊琚。
山中酒熟長開社，海上鴻歸一寄書。
白髮可能忘帝力，時應飛夢繞宸居。

望微文集卷六十九

欽定四庫全書

篁墩文集卷七十

明 程敏政 撰

詩

出班政門渡濟川橋行南山脚逢梅

風吹晴色曉初開
春入郊原綠漸回
華扁尚餘班政額
危梁誰復濟川材
舟隨雪浪穿橋過
人拂煙霏下嶺來
忽有異香生眼后
野塘斜映一株梅

山斗宗人汝翼率族衆燕予于世忠行祠是日

雨山斗以其所居之前有山如覆斗形故名
世忠祠下綺筵開一族相驩重我來別久漫論新舊雨
情長難盡淺深盃好山覆斗全勝畫喬木凌雲不易栽
勝地百年今未落後生當有出羣材

大雨雪過黃茅山吳知州克寬邀宿

迢迢石徑入林端未到黃茅力已殫鳥啄亦愁泥滑滑
雨聲如競雪漫漫剡溪興盡真須返蜀道歌成未是難
煙火望中知不遠主人邀宿有餘歡

度扶車嶺將至大坂寄汪希顏僉憲

九仞峯頭一線陁東風殘雪尚眞泉聲可入宮商譜
山色眞開紫翠屏族數程汪今共盛路當休婺此分停
一言鷄黍能成約賓主誰當眼倍青

小憇三寶寺寺碑乃黃秋江處士立蔡國公張
珪書

何代精嚴境門當水閣虛煙迷黃叟宅雲鎖蔡公書田
舍春聲在人家劫火餘不堪山下路橫木礙肩輿

大坂行一首奉輓汪隱君夫婦并贈其子僉憲

希顏

大坂之山多檜松大坂之水多鰕鱖米山釣水無異姓
只有汪氏稱名宗汪氏之先本王子靖亂尤能保終始
後來亦有唐端公遂與州民共生死兩公廟食八百年
雲初何止人三千出者處者恒有道往往讀書并力田
邇來積慶誰堪數一族咸推僉憲父父耕子讀兩無慚
那更深閨有慈母當今天子明孝人每下恩典旌賢臣

九原伉儷雖莫作高堂五采明
絲綸我觀汪氏慶未已
科第聯翩一時起叔姪兄弟凡六人冠蓋如雲照墟里
大坂水清山更奇中有汪家雙墓基他時添取石翁仲
為爾重書先德碑

題汪璽貢士四禽圖

春風海上桃仙禽託栖止莫啄千葉花留結千年子
何處青絲禽飛來一枝託回首啄山茶霏霏露華落
有鳥名翠碧無花艷海棠依依留不去顏色兩相當

娟娟蠟啄鳥挺挺當風立斜壓一枝低寒梅凍無力

大坂往返得詩十絕

觀文公與內弟程允夫手書真蹟

淵源家學重師生中表嫻親本弟兄物是人非三百載
一緘殘墨兩含情

觀尚書汪文節公真蹟

百代鄉邦有此翁每於青史嘆遺忠片言隻字須珍護
留取高風配魯公

觀雲陽李一初先生真蹟

前人往往愛鍾王才落霜毫趣便長頗怪一時文翰譜
風流猶欠李雲陽

初識黃世瑞

倒峽詞長立意精幾憑春鴈寄都城相聞十載今相見
一夜論文及四更

汪處士士魁家觀羅明仲洗馬抑齋記

洗馬文章舉筆成可人能盡抑齋名小樓對酌幾忘味

無限停雲萬里情

端公祠

端公汪氏祖也諱漬仕唐為御史大夫今御史文聚無憲希顏皆其後

大坂溪頭寢廟開
端公香火百年來
一時孫子能繩武
豸繡同登內外臺

觀高廟與樞密汪公手書真蹟

午夜虹光燭斗寒
人間驚得御書看
當時未定君臣禮
想見先皇創業難

觀容峯先生存藁

先生諱敏樞密兄也仕為左春坊左司直郎

滿架遺書墨尚新
立言真不愧先民
後生學問曾何似
也作青宮輔導臣

汪希大追送予至鱗溪上

君從城郭幾時還
知我肩輿夜過山
多謝有情思晤語
五更追送到溪灣

小憇汪口飯上舍俞俊家

汪口人家鷄亂鳴
一樽那盡故交情
門前溪水能相送
隨我西流直到城

休寧水皆東流入浙江
婺源水皆西流入番湖

文公闕里謁後有作

洛水初傳道已南後生何幸此庭參一時氣數存虹井
萬古儀刑仰晦菴塵鎖斷碑餘劫火山園新廟擁祥嵐
正心誠意言猶在三復無能祇自慚

予過婺源宿萬壽僧舍住僧敬公有望雲思親
圖求予詩因為下一轉語

朝看雲出岫暮見雲歸山禪心正與雲相閒如何對此
生意見思親不覺傷朱顏佛法無生亦無死割爰先從

二親始上人却有望雲心善學寧慚魯男子

丁大尹燕予于萬壽僧舍

肩輿五日到星源握手斯文喜晤言門掩夜燈初下榻
筵開春雨正當軒僧來供茗饒風味客起投壺雜笑喧
知是政成多暇日幾人能却簿書煩

離婺源留別諸士友

僧房連日阻春霖欸意難勝別意深但得三農今歲飽
沾裳濡足也甘心

道中寄婺源陳教諭

星源人喜得良師桃李春風盛一時薦達屢辭陳瓘疏
經營多葺晦翁祠情深酌我紅灰酒和寡勞君白雪詞
珍重雅懷難別處板橋東下雨絲絲

古箭渡

古箭渡頭春水急古箭鋪下春泥濕風吹一道雨微收
黑壓四山雲未入郵亭飯罷聞竹鷄肩輿扶過蒼崖西
行人道側亂相指雨陣復來雲脚齊

節菴倪先生以經學教于鄉既成其子進賢舉
進士為御史又出其餘以淑鄉之人其在德
興孫司馬之塾最久予過婺源望先生之廬
尚遠不能往拜漫成一律奉寄

鶴髮朱顏笑語溫
隱君遙在水雲村
諸生久立尚書館
一子新開御史門
丹竈藥鑪堪逸老
錦衣烏帽待承恩
傳經誰復倪寬在
借榻無因聽一論

夜宿芙蓉嶺下野寺夢京師起坐有懷

往歲紅塵裏常時夢巖穴今夜青山中忽爾夢京闕人
生無定止出處心自知起坐耿不寐山雨鳴空堦永懷
千載人小范不可作豈無天下憂敢慕一身樂行年將
四十於世寧有聞終當謝君寵歸卧南山雲

過五嶺

覽勝心雄力未疲不愁雲路轉逶迤上當華嶽捫參處
下抵虞淵取日時鬼斧有靈方可鑿畫工雖巧竟何施
我来亦乏驚人句未敢磨崖與鬪奇

還過山斗遇雨宿以章宗姪家

因過星水路重宿山斗堂旅次晨炊晚宗盟夜語長陰
晴無日定來往笑人忙塵鞅何時解同傾竹下觴

新安人以析居為常事獨吾山斗宗人周生兄
弟同爨至今可嘉也其家有集秀堂予為之
作歌

堂上覆斗山堂下五城水爭羨君家好兄弟紫荆根固
踰百年棠棣花開香十里嗚呼弟兄如鼎足那忍相傾

覆其餽終爾臂閱爾牆寄言莫上君家堂

雨中訪黃世瑞于古林

官路東來一徑斜不辭衝雨到君家古林歲久饒松子
後圃春深長菜花為惜病身初戒酒欲清吟骨旋呼茶
何時遂結青山社靜與幽人閱歲華

二月二十六日南山雨中晚歸

小駐肩輿野水濱輕雷將雨釀花辰板橋中斷春溪漲
竹筏遙呼晚渡人雲氣黑催詩思遠江峯青入畫圖勻

乘時刺結漁樵侶少答君恩便乞身

希仁宗賢來自涇適春霖不已三月二日稍霽
遂同至南山小酌時古林黃世瑞與俱

幾日春霖出未能溪園新霽興堪乘鳩憎箇箇鳴當屋
麥喜家家綠覆塍古渡喚舟煩野老花辰開宴得良朋
青山入望多佳處杖策何時約共登

新安舊有二程先生祠荷侍御提學婁公克讓
許修復之偶於婺源陳簡教諭處得克讓往

年過博野祠下之作因借韻一首奉寄

伊水淵源出未窮故鄉尸祝禮何豐
能崇命世真儒廟全仗分司御史功
佇見門牆登士子豈徒伏臘走村翁
他時勝蹟書圖誌定把新安比洛崇

春草便面為汪思恭題

趣在窓前不剪夢從池上初歸但覺光風到手猶疑清
露沾衣

清明前一日至南山

一夜春溪落漲痕不知春色徧郊原青山麥隴東西坂
流水桃園上下村鹿跡半驚樵客過禽殺如答路人言
舉頭不覺先塋近兩兩喬松護石門

贈新太守王公公哲起侍御守廣平鳳陽二
郡今易地新安

朱幡搖曳入新安夾道驩呼老易冠初政欲隨春雨足
先教猶帶舊霜寒人傳遺愛仍思寇自幸疎慵久識韓
看取名增循吏傳紫陽山色共巔巔

新推府陳公良至任以久雨弗克趨賀有傳其
詩章至休寧者因借韻奉贈

苦雨蓬門只自關幾迴思見紫芝顏野橋水力頻增漲
石路苔痕久上班入境便聞聲價重登堂能遣簿書閒
錦囊賸有新珠玉一夜流傳到碧山

三月二十六日壽于千戶八十

轅門齒德重新安顏色如童髮未殘秋水深藏三尺劍
春風初試九還丹佳辰謝客心能靜老境看孫夢亦驪

願把莊椿祝君壽八千遐筭此開端

題宗人貢士迪所藏米畫

襄陽人物渺如煙畫裏雲山尚宛然珍重舊宗收拾在
風流如坐米家船

飲張揮使家觀戲

牡丹花折柳絲勻雨後高堂不動塵武衛書閒軍令肅
家筵春啓客情真錦棚曲奏溫州調銀甕香傳采石春
為重雅懷分席晚不知明月照歸人

宗老學可世居歙東關正統中先公奉使新安
學可嘗邀至其家南軒同卧七日今且四十
年矣重登此軒為之惘然

咫尺東關路不遙先人曾此駐星輶阮南有譜通三族
姜被多情共七宵過隙時光驚迅速對窓山色尚岿然
感今懷古心無限郢曲難成酒易消

劉揮使宅在南城下新起西樓予將題之曰攬
勝先擬寄之

危樓新起傍高城
脫灑紅塵眼倍明
一塔穿雲當砥柱
四山飛翠入簷楹
吾伊夜課兵書讀
睥睨時分武隊行
何日畫闌重徙倚
彩毫濃墨爲題名

題宗老文彬南薰軒追和劉邦彥韻

水色山光聚一軒
飛塵全不到吟邊
華胥曠喜身能樂
襟襟生憎客未賢
石鼎茶香消永日
朱絃韻妙入鈞天
老來心地涼如水
且把蒲葵壁上懸

予成化戊戌歲蒙恩省覲取道績溪入徽城今

五年矣復行此途愴然有感

再出東城思惘然青山依舊繞長川
晝遊追及承恩日屈指浮生又五年

過新館鋪宗老彥舉邀宿其家別墅彥舉嘗從
征湖南有義征圖卷今老矣喜長生之說得
其要領

水園村郭樹扶疎宗老相留興不孤
晚景顏華仙授錄壯年心事義征圖
旋開酒令隨鄉俗細剪燈花說帝都

他日塵中應憶此可勝清夢繞魚鳧

飲孫揮使家別後有作

相見勞君兩日留重君儒雅異凡流家藏韜畧從先祖
世襲金緋似列侯客宴賞春看打馬軍門防夜聽傳籌
八方無事征書少贏得清閒坐歙州

過臨溪曹渡二石橋橋皆殷氏所修嘗求子記
衆水同歸一水東行人常此嘆途窮山腰遠近過三舍
波面參差卧兩虹刻石浪傳脩史筆揮金誰續濟川功

殷家尚義真難事贏得芳釭滿歛中

留題績溪仁里程氏聚愛樓

仁里之程與予同出相湖有道軒處士嘗訓其子
貢士傳及弟儒倫毋析居作聚愛樓以處之予過
仁里貢士宿予此樓凡再日而去因贈是詩

績溪東南來遙望古仁里中有程氏居隱隱入桑梓緬
懷道軒翁吾宗百世士眼中聚愛樓遺訓耿在耳三男
如鼎足等是克家子崇坊瞰村巷華構照山址春霖久

初晴一榻為予啓登堂父兄樂擁戶兒童喜開奩扣宗
牒張燕出肴醴夜下燈火明語笑未能已憶當百年前
同飲相湖水今夕乃何夕會晤後自此聚散安可常保
族在崇禮丁寧願同人契誼篤終始明發川途長思情
兩難擬

貢士佐時生子彌月子適至焉初予以詩壽新
安千戶于翁八十翁以錦帕為謝因以遺兒
用為遠壽之徵

鮫綃一幅錦雲紅得自新安八十翁雖愧犀錢并玉果
願免遐壽與翁同

登源有汪王祖齊司馬墓及王廟廟後有綠照
亭有石洞用故侍郎朱大同先生韻示同遊
仁里諸宗人

千載吾王此舊都登源流水綠成湖斷碑丘壘收雲氣
長劍風塵憶壯圖山隔遊亭聞綠照雲封仙洞似蓬壺
聯鑣英俊來應慣路轉峯迴不問途

未至普照寺道中作

石梁灣曲水沉沉路下峯腰半不禁風外茶煙知寺近
雲中鷄唱覺村深病多宜享山林福才薄難勝利濟心
且為漁樵增故事臨流先續采芝吟

遊普照寺觀石鏡相傳黃巢過此照其形為異
類因縱火焚之久乃復明蘇子由宰績溪日
嘗有留題石刻今不存矣

高崖直下如削鐵不識何年鬼工截巧令中有鑑光寒

萬古照人長不滅綠苔半鎖蒼藤封霧雨不晦天然銅
禪家意巧作幻境隣近便起空王宮泗濱浮石曾充磬
明者何妨堪作鏡玉蘊山輝古則然此論行時衆方定
頗聞巢賊窺山城虐燄一日昏其明殺心久已變豹虎
何怪照出非人形我來適當春雨後老僧立話徘徊久
小蘇舊蹟今已亡惟有遺詩在人口東風蕭蕭吹瘦顏
笑復摩挲對面看山靈可解知人意照見胷中一寸丹
仁里宗姪素時日侍予于聚愛樓又從遊石鏡

諸處勝地情意勤款與他宗人不同時予將
重脩統宗世譜且欲編石鏡古今題咏以素
時之博學好古也兩以屬之素時其尚有以
副予之志哉

年來常動竹林思一見偏憐海鶴姿
古寺芒屨春眺日
高樓燈燭夜談時
統宗再續篁墩譜
紀勝新編石鏡詩
知子有才堪訂約
雙魚相寄莫相辭

遊問政山至興道觀

山乃聶真人修煉處宋
謝諫議墓亦在其處

薰風初試舊輕紗
越嶺穿崖一徑斜
霧裏樓臺成海市
雲中雞犬類仙家
欲嘗風味頻供筍
未解春醒只喚茶
諫議真人都不見
獨留荒塚對繁花

遊白水寺

寺左有池水四時皆白如玉色

幾曲晴紗不受塵
望中雲近綠楊津
峯腰屏足疑無地
谷口聞聲忽有人
靜愛寺山青隱隱
聖傳池水白粼粼
同來宗契兼鄉契
病酒無妨更一巡

遊水西太平諸寺

寺山高處曰披雲峯
寺前水曰碎月灘

勝日須行樂，聯鑣過水西。
桐花嘶驤裏，松樹隱招提。
碎月灘散在，披雲黛色迷。
老僧談故蹟，隨處可留題。

遊紫陽山尋許宣平金野仙二真遺蹟次舊韻

二首

屋踞蒼崖下，人行老樹顛。
尋詩敲翠竹，消醉飲清泉。
歌出黃牛背，帆飛白鳥前。
塵纓猶未洗，結社在何年。

右和
宣平

韻

一峯孤聳碧孱顏，琳館遙當紫翠間。
桑塢日斜鷄唱晚，

松庭風靜鶴教閒軒轅丹熟惟餘井太白詩高可配山
吟眺未勝天漸暝興隨流水不知還

右和野仙韻

遊萬山觀

觀額題曰迎仙有東明西爽二軒

何代迎仙地高低復起樓東明先得日西爽最宜秋帆
影林梢見嵐光脚下流道人吹鐵笛飛思繞瀛洲

贈程都紀宗貴宋相文清公之裔藏有先世誥

牒

住是真仙宅宗傳舊相家絲綸驚歲月樓閣俯煙霞散

局敲碁子輕甌泛茗花不知歸興懶高樹集昏鴉

贈劉太古

瀟灑劉太古絕似鮑參軍老去詩還健情多酒未醺疎
髯飄亂雪長嘯遏行雲何日開春社巖花約共分

因與于文遠鄭時清同步東城上晚歸得詩六絕
越國汪公廟唐誥

烏聊山上越公祠香火分明百世思留得兩函唐誥在
紀年猶是太宗時

東嶽廟

嶽祠園後見崔嵬玉立亭亭一徑迴爭掃碧苔供徙倚
不妨同醉竹根盃

傍溪寺晚眺

寶坊高出舊城東百里山川一望中竟日倚闌題不盡
夕陽遙射竹林紅

斗子山問高廟駐兵處

石址猶存舊將臺青山如斗畫中開至今草木增顏色

知是先皇駐驛求

天寧寺觀枯杉相傳五聖化生于此樹上

枯杉如柱倚天長云是神人此降祥欲借圖經詢故實
定應何似古空桑

楊氏祠堂觀司寇先生遺像

廊廟丰姿太逼真追思言笑轉傷神一時先友凋零盡
不忍重來撫翠珉

宿閔口畢氏三絕

山圍華屋水當門喬木森森綠護村白雪調高人和寡

風流還待畢公孫

畢氏之彥曰郁為儒學生自言其居乃雪樓故宅

秀水城東學士阡寸心常繞辦香前聞君當日曾相見

屈指流光二十年

郁之父曰尚勇翁舊客嘉興及識予先師學士呂文懿公

方瞳炯炯髮絲絲每日山中賦采芝有約未成同甲會

因君無限望雲思

尚勇翁與先公同生丁酉今六十六歲矣

與閔口臨溪汧川三族人同登東密巖觀遠祖

中丞公起兵拒黃巢處晚宿巖下方興寺與

漢川宗人逸民用光聯句二首

家山乘興一來遊

逸民

萬仞峯顛日未收

克勤

疑幟久

空唐將壁

用光

殘鐘時起梵王樓

克勤

穿雲石磴蘿陰

合

逸民

過雨林巒黛色流

克勤

吟屐忽隨歸馬散

用光

天風吹袂晚颼颼

克勤

東巖巖下古招提

克勤

四面陰森竹樹齊

逸民

山翠入

簾朝過雨

用光

炊煙拖卷午聞雞

克勤

老僧延坐勞清

供

逸民

詞客留詩續舊題

用光

話久不知鳴晚鼓

克勤

暫分裨榻伴幽棲

逸民

飲汉口宗家語次偶賦

流水濺濺石路平
幾年難黍約初成
古芸繞架香還盛
喬木當年老更榮
招隱不驚探虎穴
忘機偏解結鷗盟
斜陽未盡漁樵話
刻竹題詩寄此情

端午飲汉口汪端家忽記京華舊事

紫雲溪上作端陽
忽記前年黼座傍
分艾特頒宮樣虎
侑尊時出上供羊
綵絲繫臂饒恩露
聚扇回風帶御香

撫景不堪驚歲月愧無才力報君王

雲水山房

汪君篤孟禎世居雲溪題其所居曰雲水山房雲水殆雲溪之轉語耳賦

者多不及此
予故申之

杖策雲溪上濯足雲溪下由來故王孫却是忘機者仰
看鷲戾天俯見魚潛淵欲悟動靜理日到雲溪邊溪雲
時卷舒溪水可鴈揭珍重溪居人斯言或相契

集古八絕

汭口

二水中分白鷺洲人家多住竹棚頭眼前有景道不得
長夏江村事事幽

贈汭口諸宗人

文武衣冠異昔時惠連群從總能詩東園載酒西園飲
藥餌扶吾隨所之

贈逸民用光

清風明月兩閒人何用浮名絆此身閑戶著書多歲月
野花啼鳥一般春

晚步雲溪上

山屐經過滿徑踪
閒來無事不從容
白沙翠竹江村路
雲碓無人水自舂

夜宿用光南窓下

門外青山如屋裏
嘈嘈虛枕納溪聲
恠來詩思清人骨
欲化西園蝶未成

謁忠壯行祠

松花風煖廟門開
百畝庭中半是苔
悵望千秋一灑淚

安危湏仗出羣材

拜端明公墓

苑邊高塚卧麒麟
曾是貞元花下人
人世幾回傷往事
碑文才見滿埃塵

望巖將公墓

流水濺濺度兩陂
旅墳三尺近要離
鳥啼花發人何在
一劍曾當百萬師

壽榆村宗老以順義官七十九歲

人生難得古稀齡况乃重看九度蓂慶衍芝蘭盈謝砌
義沾恩寵出堯庭卷舒任我心何累飲啖兼人體自寧
遐筭定同師尚父榆川山色共青青

兗山汪處士世寧留宿子適有事辭歸別後寄
此

越國勲名重有唐兗山家法冠諸汪主人有道開鷗社
子姓無譁列鴈行李白擬嘗新竹醞陳登空掃舊藤牀
兩懷不盡忙相別咫尺停雲萬里長

黃坑寺

有程氏祠堂中塑嬰公太守忠壯三像又有周王廟專主療疾香火最盛

一塢深深竹樹長
梵宮遙枕碧山岡
廢興屢換新碑石
俎豆猶存舊寢堂
為祝慈齡參佛母
敢將詩病叩醫王
清談未了匆匆去
不盡毗那一瓣香

率口族人燕于世忠行祠

忠壯行祠率水邊
錦屏銀燭夜張筵
祖宗望出南朝上
子姓分當北宋前
談塵頻揮人似雨
勸籌交錯酒如泉
相違記取重逢日
萬里鷗波解綬年

黃石謁太母廟

即忠壯母夫人之祀

黃石叢祠在人傳太母名子功全故國神鑒定佳城香火千家盛冠裳八座榮閭儀誰有此瞻拜不勝情

飲率東族家

率東之先曰仁史與風林朱學士隆隱友善嘗作家規家譜刻新安

郡志

路入方山一里強百年程氏率東房教條半出朱隆隱家法多宗鄭浦陽庭戶各分喬木影圖經猶帶舊芸香
花前碁局燈前酒無限宗盟夜坐長

題錫山孫王廟

錫山有孫王廟相傳祀吳主孫權子竊疑權僭偽
不應祀法當是權兄長沙王策蓋策受漢命為討
逆將軍屢平羣盜時曹操挾天子都許策將舉兵
襲操迎帝不幸為伏矢所中而死則此廟祀策當
愈於祀權甚明予過錫山留詩一律以貽坑口孫
氏之為王族者異日當訂諸縣志用祛土人之惑
云

廟食青山歲月長居人多未識孫王江東討逆功初著
許下迎鑾志莫償一代英豪存太史三分名節愧元方
何當訂入新圖志祀典分明重此鄉

宿坑口孫啓先生家次韻時予以疾戒飲故詩
及之

前輩風流杳莫儔近來人物數誰優閒心坐與鷗盟狎
世態看同蜃氣浮無分清尊開北海有情吟榻借南州
掀髯久欲聞長嘯明月何時共倚樓

過鄭公釣臺

余忠宣公
隸字刻石

相公湖邊一拳石截斷湖光三百尺射蛟人去今幾年
誰掃雲根看遺蹟師山先生性愛山偶然得此青孱顏
臨流坐釣不知晚漁樵並載扁舟還武威余公天下士
特與先生題篆字良工刻入斷崖傍遂使溪山增勝事
一朝海內風塵生兩公死國如弟兄平生隱顯雖異迹
竹帛同垂千載名薰風雨過潮初落足躡蒼苔俯幽壑
釣絲已逐野煙飛字畫多為古藤絡師山之節峻且孤

武威之字人爭摹忠賢所遺衆所寶泉石清奇何處無
題唐十八學士登瀛圖

圖為宋李龍眠畫後有蘇米題字宣和印章為今
環溪朱氏所藏朱氏之先嘗失之而獨遺其後跋
甚久朱氏之彥曰克紹復得之於淞西重加裝潢
綴以舊跋朱氏之物散而復完可謂不偶也已

冠冕分明見盛唐百金誰購宋宮藏山人妙絕丹青手
學士名高翰墨場千里忽驚雷劍合十年空嘆楚弓亡

摩挲手澤真非偶撫卷令人羨紫陽

予訪王氏子仁泰於澤富仁泰適以是日生男
時予方以疾斷酒為之喜而破戒賦詩贈之
深巷方停下澤車便驚佳氣鵲庭除數穀喜報簷前鵲
一顆光呈掌上珠兆應熊羆來夢日慶隨弧矢上門初
因君破戒重開酒佳話流傳過里閭

過余岸拜遠族祖宋樞密正惠公墓遂至城陽

寺

正惠公子孫今
居休寧會里


高墳山下幾經春，曾是先朝執政臣。
甲第兒孫驚異縣，梵宮香火幸比隣。
金貂入像圖應在，石獸分行跡未陳。
同出相湖慚後學，不堪追仰薦溪蘋。

邵村張氏子茂植，年十二俊穎可愛。
其父才遭從子遊，以其尚幼，俾先之於塾。
師俟少長，則收而教之，且勗以詩。

楚楚青年子，明明玉樹枝。
少儀須讀禮，多識貴聞詩。
喬木雲霄迥，良苗雨露滋。
執經函丈下，看爾出羣時。

題汪本仁處士耕讀軒

小結幽軒傍水涯
此中耕讀兩相宜
欲求莘野千年志
樂誦幽風一卷詩
春壘短蓑鞭馭馥
夜窓明燭聽吾伊
老來達道應無及
付與名郎佐盛時



篁墩文集卷七十

欽定四庫全書

集部
篁墩文集卷七十二

詳校官編修目李堯棟

中書_臣劉源溥覆勘

總校官進士_臣朱 鈐

校對官監丞_臣張魯炳

謄錄監生_臣黃憲度

欽定四庫全書

望墩文集卷七十一

明程敏政撰

詩

過岑山渡

岑山在潮溪心四面皆水師山先生鄭公嘗更名
小焦山山舊有周流寺今移岸北予過寺留題貽
寺主堅上人

勢比焦山小因名憶鄭公江龍浮水面天狗墮雲中舟

金分四八
卷六十一
楫東西過漁樵上下通涉溪逢舊寺塵慮偶然空

宿萬山觀六言四首

詞客初停塵鞅鍊師相約樓居赤日正過林樾好風時
到庭除

石磴盤迴九折山房小結三間酷暑因風盡掃道心與
鶴俱閒

燈影半窓冉冉鑪薰一炷亭亭多病思投白社老人為
說丹經

一派灘聲東去滿空月色西流但覺夢遊塵外不知身
宿山頭

飲萬山觀東明樓贈道庸都紀

五月高樓暑氣涼捲簾山色動晴光病來喜服烏蛇酒
睡起頻添寶鴨香堆案道經翻葢笈繞梁仙樂奏雲簧
何時解綬歸林下許借閒雲宿半牀

宗家貢士迪請詩送其友人還淞

見君幾日送君歸梅雨紛紛濕芋衣來喜客舟重返淞

去驚鄉語半從微石榴庭院黃蜂入水稻田塍白鷺飛
攬勝他時還有約莫辭尊酒整相違

題于文遠山水小景

望中疑是富登山只欠危亭著樹間記得摩厓看石篆
小舟曾泊相湖灣

道庸都紀城市山林卷次韻

上逼青霄下瞰城來遊何必羨登瀛風前不動旌幢影
雲外時聞杵臼聲盟狎海鷗機漸了夢回蕉鹿世空驚

丹房何日全相借慰我吟身太瘦生

范蠡歸湖圖為師魯姪題

萬頃湖光足釣絲濟川功了乞歸時
安流不用施篙楫
歛手舷頭任所之

雲嵐山汪王墓

六州已罷新開府千載誰思舊使君
只有雲嵐橋下路
行人能指越公墳

歛北有山曰飛布甚奇山下江氏世居之山舊

有主簿廟以結兵禦寇之功而江氏實主其
祀今江氏之老曰嗣器其家以殷實徙京師
從子韶入為京學生嘗及見予予過歛欲訪
江氏適以疾不果賦此寄之

一峯高聳碧嶙峋一族相延幾百春廟守甘棠思歛簿
家傳喬木自江人幸瞻日月分餘照漸覺詩書起後塵
多病未酌鷄黍約不辭題句託雙鱗

宗姪貢士式之求詩壽岩鎮方翁七十

七十年來氣尚豪
紅顏如畫映霜毛
佳辰滿釀山中秫
晚歲曾餐海上桃
童子喜提如意舞
老人光並少微高
親朋欲助長生頌
為染宣城玉兔毫

觀槐塘遠祖宋丞相文清公明良慶會卷次王
而勉太守韻

丞相勲名重斗南
講帷曾說舊師甘
一時奏劄多忠諫
百世賡歌繼美談
秦律乍除聞板蕩
孔牆中壤得彤戡
後生景行無窮意
斂手臨風讀再三

再觀丞相奏議後次前韻

廟謨惟欲保東南，幾許忠言主未甘。
分鎮獨餘唐末議，徙戎誰說晉清談。
傳家素節推楊震，去國高風憶孔戡。
留取百年遺蔭在，當門槐幄尚成三。

寄進士金溪尹黃碩夫

黃氏世居歙之譚渡，在唐貞元中有孝子芮嘗被
褒詔，樹其里為貞節坊。子孫蕃盛，至今碩夫其後
也。近領新除，便道過歙，予甚欲一拜孝子之祠而

賀碩夫坐以瘍疾莫能如志因成近體一律奉寄
百年譚渡水教長一郡猶傳孝子黃不為病軀親樂餌
定瞻遺像設椒漿雲初又見承新寵父老仍思立舊坊
坐想晝遊真得意青山喬木總生光

題汪思恭松蘿書屋

飽看青山讀古書無人能識市中儒朝朝賣藥歸來晚
留得芸香辟蠹魚

松蘿門下築書臺滿架牙籤一選皆常有新詩生眼底

不知山色近人來

王孫瀟灑皂綸巾獨起高軒出市塵見說年來書更熟
門前常有問奇人

秘府圖書閱半交故園松菊可全拋何時更約開新社
與子山中共結茅

雨後與克儉弟聯句

細雨生涼一院風

璽歌

幽情多在小齋東草分秀色沿

堦綠

梧岡

葵吐秋花拂座紅睡起焚香初謝客

璽歌

吟

餘思茗漫呼童隔林誰奏笙歌沸

梧桐

預喜山城樂歲

豐

篁墩

題畫

墟落暮烟相望板橋春漲初平未放漁家艇子疑聞塔院鐘聲

七月神會飲福

金風初動月當申簫鼓山堂樂賽神
眼度光陰真過客坐中人物半姻親
語因隨俗多成笑酒到忘懷不記巡

相好不堪相別處明年應憶宦遊人

卜筮子

題汪汝溫便面

草長沙露尖風急波生縐兩箇漁郎任意行不問誰先
後綸竿腥乍收飯甑香初透回首相呼好放船正是
潮生候

拜慶千秋節敬賦

山城侵曉設行宮禮慶千秋萬國同新學定期隨日長
睿心元自與天通前星位正龍樓北南極光躔鶴禁東

慙愧授經無寸補四年空立御香中

盆蓮盛開飲中贈潘玉汝王廷璧戴廷器三秀

才

盆池花照粉牆東不數峯頭十丈紅雅韻獨超塵壒外
新妝初試月奩中底須瑞露分金掌共取清香注碧筒
良會一時真不偶擬開佳兆為諸公

浪淘沙

八月九日早
至南山菴

沙口繫蘭橈初退溪潮石成山路樹成橋又見一番新

稻熟猶未趨朝 野寺晚鐘敲磬到書巢此身何日伴
漁樵少答君恩尋舊隱細和山謠

贈泰塘畫魚程翁希明

疊嶂如城水滿川門前喬木翠參天路人來往能相指
文獻傳家幾百年

愛魚何羨古濠梁畫出羣魚趣更長正欲垂綸尋釣隱
何時相約水雲鄉

中秋開宴南山宗賢畢集燕後閒步墳菴水次

偶成贈同行諸君子

初向南山見月圓
笑談相對欲忘眠
他鄉每歲思千里
好友今宵共一筵
人影漸分山寺側
蛩聲多近石梁邊
眼前又作朝天計
同步沙頭在幾年

題汪道全愛萱堂

阿母生兒今已老
少年曾佩宜男草
阿兒念母心無涯
北堂遠種忘憂花
愛母如花願花茂
長向花前祝眉壽
酒盞時聞花送香
舞衣欲共花爭秀
我心正復與子同

一曲薰風歌繞叢
爰母何年心始愜
霜鬢重看綠如葉
祖保去歲八月二十五日亡于姑蘇暫寄僧舍
歸瘞南山今年矣其母忽於篋中得見舊
佩香囊慟不能忍並楮錢焚其瘞處輒賦五
十六字志予之悲

去秋今日寄僧房
淚灑西風裂寸腸
塚上已澆新麥飯
篋中猶見舊香囊
五年父子緣何短
萬里關山恨更長
最是不堪懷抱處
夢魂時到枕幃旁

心遠軒為方景茂賦

結屋西城下幽人自不羣
道情閒共鶴詩思淡隨雲
與客觀朝槿呼童炷夕薰
不知門外路車馬日紛紛

閏八月二十七日早送何侍御至陽山寺

勇冠前日下山城
雙旆匆匆又出行
金氣作霜天九月
法星隨斗夜三更
青圍川陸知途險
黃入郊原喜歲成
山寺相違還有約
栢臺高處聽蜚聲

歸途有作

為送行臺出縣門不辭携酒到山根竹陰正入支公寺
樹色遙連主簿村潮噉新沙知廢路水舂機碓隔荒垣
望中一簇峯巒秀問是鄉名古夾源

題貴溪程原宗人濯纓亭

洗耳常思古逸民小亭閒傍綠楊津能收楚澤歌中趣
不惹長安陌上塵觸目鳶魚千古在忘機鷗鷺一時馴
何年解纓遙相訪同試淵明漉酒巾

送貴溪宗人世熙會譜西歸

貴溪溪上舊程源百世宗盟此一番祖廟已通昭穆序
客途何憚往來煩雲山雨後丹青出霜葉風前錦繡翻
他日相期定何所碧霄千里看鵬騫

德興瀘口程氏青雲橋為貢士崧乃尊賦

瀘口之木高參天瀘口之水青如烟主人有功能濟川
長橋脩起何蜿蜒眼中突兀見奇事觀者紛紛若鱗次
新製寧湏玉螭名華棖高揭青雲字主人系出篁墩房
銀青金紫相輝光有家住近鳳凰里一子矯如孤鳳翔

秋桂初分廣寒殿宮花擬入瓊林宴門前正起世科坊
綽楔巍巍兩堪美主人白頭樂有餘看子平步青雲衢
駟馬高車自茲始傍人不用誇相如

壽汪處士

汪氏世居婺源大坂有名希聖者尤以德善聞今
年壽登七十九月十二日其誕辰也其子英館于
歙槐塘程氏因子族姪淵求予詩

明明丹頰映華顛浙浙金風拂壽筵清向客來茶當酒

嚴於家教筆為田東籬賞記前三日西伯徵期後十年
遙望芙蓉秋色裏仙人應有鶴書傳

贈程璿

婺源種德坊程氏出宋翰林待詔玄之後世以醫
鳴至國朝中書舍人禮部員外郎思溫先生益顯
先生孫璿好學能書為里塾師以予有同姓之雅
數求予詩賦三絕以贈之

曾到星源種德坊紫苔春雨上君堂活人當日功多少

門外長聞橘井香

尊翁曾是鳳池人
六轡時巡敢愛身
聞說贈官并錄後
中興天子勸忠頻

文采風流入壯年
名門當見後昆賢
紫陽正是君同里
莫為傍人草太玄

題楚英宗人壽萱圖

浮梁東山宗姪太學上舍楚英有母方孺人年將
八十請予弟克儉作萱花圖持歸為壽并請予侑

之以詩

北堂五月薰風長萱草花開金鳳香兒郎再拜獻春酒
花氣欲透斑斕裳北堂十月霜回日萱草根盤蟄龍密
一笑當筵指舊叢舉頭誤認丹青筆老人八十真如仙
朱顏若共花爭妍願期百歲根無恙一度花開勝一年
寄貴溪致政高都憲

出處無心似白雲一身高潔四方聞誅茅喜近張良宅
諫草驚傳陸贄文天上故人應漸少山中新社約誰分

雙魚無限傾情處
香水東流未足云

約歐陽令君登高

秋滿南山菊正黃
又驚明日是重陽
賢侯久訂龍山約
不似隣封薄領忙

預向家園拂徑苔
令君相約此登臺
湏知不是尋常出
併作郊原問稼來

題汪儀鳳墨梅

春意花先覺
冰威力自禁
漫夸三昧手
誰識歲寒心

題畫

翠篠娟娟古木秋
山林那復網羅憂
隨時飲咏隨枝宿
莫向西風嘆白頭

題歐陽令君所藏畫魚

當今寫魚誰第一
安福劉郎寡儔匹
父子同為供奉官
等閒不下丹青筆
劉郎寫魚如寫人
想像天機精入神
雲雷慘澹真宰戚
波濤洶湧陽侯嗔
令君何從得此軸
咫尺江鄉奪人目
鼓鬣揚鬐勢欲飛
金甲光芒三十六

渚蒲水行交
沄沄浪花滾
雪腥風聞
變生頭角在
俄頃
鰕羣鱖隊空
紛紛濠上老
人不可作與
魚相忘識魚
樂
劉郎此趣堪
敵之坐使龍
門在高閣君
家子姓能讀
書
釣鰲有日光
門閣手分銅
符佩金紫定
應不愧劉郎
魚
壽仁里宗人
景華時會統
宗譜

譜刻初成不
世珍壽筵遙
動滿堂春相
門根祗瞻喬
木
仁里光陰祝
大椿晚福漸
看周甲子仙
方何用守庚
申
持觴伐鼓從
今始莫愧康
衢古逸民

滿江紅

南山道
中晚秋

九月南山猶未覺園林秋意無遠近丹楓黃葉翻成佳
麗風外磬聲知有寺雲中犬吠疑無地見孤峯淡淡掃
蛾眉當空際脩竹裏柴門閉古木下漁舟繫更牛背
兩兩兒童相戲素練搖江明一鷺黃雲漫隴飛雙雉喜
農家細麥早纖纖青如罽

輓洪太守夫人

聞訃驚相怛名門失女宗子成新進士家出舊司農絃

斷傷琴意塵生暗鏡容不堪埋玉處風木正鳴冬

夢兆曾炊臼形傷見藁砧菊松思共老霜雪遽先侵不
待宜人誥無慚列女箴生芻嘆莫奠寒日動哀吟

木蘭花慢

贈通守婁公致
政還鄉有序

通守南海婁公以練達之才醇實之學佐徽郡六
年年方六十乃不謀之家庭不告之寮案以致政
請於行臺命下人不及知由是寓公士夫與其部
民莫不悵然有攀轅卧轍之情無所施矣太守太

原王公推府嘉禾陳公樂與共政而不忍於別授
簡於予予微人既高公恬退之節而又以不得終
預循良之澤為歎也乃填一闕用備驪駒之奏駕
言邁邁情見乎辭

喜年方耳順何遽爾賦歸田想十載紅塵題輿佐岳連
宵清夢先到林泉抽身急流而退任攀轅無計可留延
萬里蓬瀛身近一州父老情牽故園松菊正依然晚
景樂無邊看滿載圖書芸霏別舸傾城冠蓋雲擁離筵

酌盃起為公壽問幾人舒卷似公賢海上耆英會落日
邊循吏名傳

筠窓靜讀詩為山斗族孫天相作

山斗族孫有天相者質美而好學嘗題其藏修之
所曰筠窓靜讀予嘉其有志於學也賦一律勉之
少年勤學慕三餘玉立亭亭衆不如擊節常歌君子操
閉門時誦太玄書光圓夜榻親螢火香滿晨窓辟蠹魚
萬卷可開須努力河南家世本宗儒

陪歐陽令君墓故宋尚書金忠肅公墓并立石
表

桂漿三奠隴雲寒共識賢侯此意難
泉下屢更新歲月人間誰問古衣冠
青山再下樵蘇禁白石重將姓字刊
擬有頌敬傳故事無邊光彩動林巒

寄題婺源沙陽宗家二書院

予會譜於南山婺源沙陽宗人有用泰者自言其
九世祖堯彩府君常創梓源青山兩書院以教其

族其後兩子聯中貢補事載家乘今書院廢已久
用泰蓋有復興之志其歸也并求予言因作古詩

一章畀之

泠泠梓水源鬱鬱青山趾中有兩書堂如鵲東西峙為
問作者誰吾宗有先子當其全盛時紛紛集多士弦誦
出林樾燈火照墟里固將希聖賢豈獨事青紫兩雛得
聯升家譽亦騰起自從兵革來家業已中燬人民嗟久
非山川幸良是雲初今復興白日盛桑梓昂昂用泰君

志可延世美，竭來南山中。相從訂家史，派分沙陽房。源
共篁墩祀，乃知文慶深。流澤耿未已，堂構非侈觀。詩書
乃末技，紹述或有託。爾祖為不死，勉旃君後人。歲修自
茲始，野餞窮一卮。山行費雙屐。

婺源環溪程氏一樂堂

堂上何人專一樂，華扁濃書照林壑。再世彌甥得考亭，
千年譜系通伊洛。家學淵源有自來，固應子弟非凡材。
三時不違甘旨入，連枝有合荆花開。此意寧知軒冕重，

家政成時亦堪頌靜閑遺編師古人前有君陳後張仲
五嶺巍巍高入天婺水汨汨東成川故家想像三歎息
因風為賦名堂篇

題吳愷舉人春草

習習風初度萋萋綠正勻誰將方寸地散作十分春
題文富姪萱花

一色春難老雙親未白頭高堂相對處日日可忘憂

新墟吳亞卿先生哀輓二首

早辭鍾鼎樂丘園
盛福完名衆所尊
星象忽驚前夕變
耆英今復幾人存
廟堂擬下哀榮詔
林壑空留杖履痕
總道慶源流不盡
一經傳子又傳孫

不覩光儀歲月侵
上堂瞻拜此情深
坐中屢說通家義
老去猶多體國心
朝野勲名終烜赫
山川靈氣忽銷沉
無由執紼東風裏
西望新墟思不禁

題萬山深處樓

宗人文善家住山
斗有樓曰萬山深
處嘗丐予詩

予觀余忠宣公故有此作不知其與某氏也追和
一律誠不自量然借重之意則有在耳

疊嶂層巒東復西水源窮處結岩棲捲簾斗柄光臨座
記路桃花插滿堤境逼衡陽無鴈過峯多巫峽有猿啼
裏糧何日尋幽去却倚危闌續舊題

壽南山長老性空頌并序

南山寺者先尚書少保襄毅公之墳菴也長老性
空行年六十性質樸而喜勤苦家生子惠淨禮之

為師茲歲之冬十月二日實性空始生之辰惠淨
作壽星圖以壽之而請予一言予觀壽星在天為
長庚在地為後彫難老之木在鳥獸為鶴為龜為
鹿為獐在老氏為僊在釋氏為無量壽佛惠淨之
愛其師可謂篤矣予因為下一轉語識者見之幸
無以予為儒名而墨行者哉

我聞西方極樂園獲登彼岸真非偶三千大千諸佛子
中有一人無量壽佛言我教本寂滅有不是無無是有

汝壽無量何以故一點光明終不朽光明一點有明暗
白牛便向恒河走無量壽者合掌言我今不淨亦不垢
跏趺坐閼人間世不用寒山竹笠南山長老有性空
五蘊一生能自守南山有石解點頭試與對之相印否
針頭之性空不空大笑一教獅子吼我觀性空老不衰
本來面目無妍醜朝暮一盂脫粟飯五味筵中不挂口
春冬一領百衲衣五色場中無掣肘性空爾能不空性
六十年光不為久無量壽者誦一教甲了還丁子還丑

燈燈相續不空過永作南山住山叟我今已作逃禪客
問爾啞禪能答否無無無量亦無壽白蓮社中桑落酒
無量壽佛何有哉勸爾波羅飲三斗

大雪至南山菴

今年大雪勝北州一夜五尺方始休擔夫踏路沒雙脰
老衲開門餘一頭眼店迷茫失山色耳邊清冽聞溪流
青青惟有澗傍檜勁氣猶堪回萬牛

冬至縣中行虔賀禮

聖誕才過至日未禮成遙賀兩叨陪鑒輿恍接清光近
譙鼓頻催曙色開萬壽喜從天上祝一陽初自地中回
雲占鄉國應多瑞擬上城東百尺臺

元日

松楸情深懶問途又從鄉國飲屠蘇時名浪比來儀鳳
薄孝思同逗哺烏四十頭顱驚隔歲五千文字愧今吾
承平一飯皆君賜遙望星杓禮帝都

人日喜晴

六日雨兼雪今晨忽放晴風吹群沴散日射四山明
喜卜民生遂恭惟世道亨正尋詩紀勝簷鵲送新穀

點絳脣

元夕大雨

滿意鰲山一天星月交相射春霖無藉誤却千金夜

院落沉沉坐看燈花謝情難寫佳期再也須問天公借

新歲大雪用元日韻

幾處青山失舊途一宵寒氣薄流蘇離羣色亂沙頭鷺
爭食飢喧屋上烏隴麥蘆纖如妬客庭梅清瘦欲慚吾

近臣喜遇正元瑞擬頌豐年達上都

謝鄉飲分席

喜雨傳鄉飲心知勝昔年笙鏞疑隔座俎豆幸分筵禮
覺周文備仁思舜化延荷恩慚未報何日賦歸田

小詩六絕寄黟縣汪令君

縣組遙持入萬山棠陰俄覺頌教間直應小試牛刀手

鵲鷺終歸玉笋班

右一奉贈

售文寧足買山錢多幸隣封受許田何日解簪歸栗里

相隨遺老頌豐年

右二謝青目寄莊

分惠霜罌手自開便驚春色逼人來
箋題重有麻姑字
添作高堂獻壽杯

右三謝惠麻姑酒

蕭蕭門巷駐官輶幾日春泥雪半消
壺馬酒籌勞款坐
欲將風致寫生綃

右四謝過訪

華扁煩君遠寄將溪藤猶帶墨花香
行人拭目知多少
蓬華從今倍有光

右五謝惠及第坊三大字

秋水遙添一丈強朝天相赴理行裝
春霖如此難為別

咫尺黔川萬里長

右六阻雨不得詣謝

成化十九年二月一日浦口與王文明太守諸

公別

冠蓋追隨出練江山花盈路酒盈缸
早歸肯負王孫草
遲去終懷父母邦
斲補一番鰲禁直
愁聽三疊渭城腔
寸心亦與諸賢共
廊廟江湖兩未降

贈淳安丁尹鍊

丁嘗主教
白虎洞

白鹿重開講院基
多君曾此服遺規
學分朱陸心能辨

跡比龔黃事可知客路盍長留坐久隣封情厚發船遲
青溪坊下人行處他日來看德政碑

舟次富陽登陸有感

帆檣暫泊暮江邊輿馬重過舊縣前十口提携皆骨肉
一春盤折幾山川潮生潮落無終古人去人來似隔年
道左韶光能慰客菜花桃李兩依然

望溪文集卷七十一